

Panggilan Doa Tiga Malaikat

HARI KE-3 —MISI TUHAN DAN DOA, BAHAGIAN 1

"Tetapi kamu akan menerima kuasa, kalau Roh Kudus turun ke atas kamu, dan kamu akan menjadi saksi-Ku di Yerusalem dan di seluruh Yudea dan Samaria dan sampai ke hujung bumi" – Kisah Para Rasul 1:8

Janji untuk misi yang mustahil

Perkhabaran tiga malaikat adalah rayuan yang sangat penting dan segera dalam misi pelayanan. Tugas yang kelihatan mustahil dalam menjangkau dunia dengan injil ini hanya mungkin apabila dilakukan melalui kuasa Roh Kudus. Cabaran misi di akhir zaman adalah serupa dengan cabaran yang dihadapi oleh gereja di Perjanjian Baru dalam buku Kisah Para Rasul. Janji Roh diberikan kepada kita sama seperti yang diberikan kepada mereka oleh Yesus dalam Kisah Para Rasul 1:8. "Tetapi kamu akan menerima kuasa, kalau Roh Kudus turun ke atas kamu, dan kamu akan menjadi saksi-Ku di Yerusalem dan di seluruh Yudea dan Samaria dan sampai ke hujung bumi". Melalui kuasa Roh Kudus, gereja didalam buku perjanjian baru telah memberi pengaruh besar kepada dunia. Puluhan ribu menerima Kristus sebagai Mesias dan dibaptiskan.

Kitab Kisah Para Rasul mengungkapkan hubungan intim antara gereja yang berdoa dan gereja yang penuh dengan Roh. Kisah Para Rasul 1:14 menyatakan, "mereka semua bertekun dengan sehati dalam doa bersama-sama." Dalam Kisah Rasul 2:42 mereka "bertekun dalam pengajaran rasul-rasul dan dalam persekutuan. Dan mereka selalu berkumpul untuk memecahkan roti dan berdoa." Kisah Rasul 4:31 menambahkan, "dan ketika mereka sedang berdoa, goyanglah tempat mereka berkumpul itu dan mereka semua penuh dengan Roh Kudus, lalu mereka memberitakan firman Allah dengan berani. Perhatikan tiga perkara dalam petikan terakhir ini. Orang-orang percaya berdoa, mereka dipenuhi dengan Roh Kudus, dan hasilnya adalah mereka mengabarkan Firman Tuhan dengan berani atau – tafsiran yang lebih jelas – dengan yakin. Doa, Roh Kudus, dan misi adalah satu secara keseluruhan.

Kita harus memilikinya

Mengulas pengalaman murid-murid Yesus, Ellen White memerhatikan, "Kita harus berdoa dengan sungguh-sungguh untuk curahan Roh Kudus sebagaimana para murid berdoa pada Hari Pentakosta. Sekiranya mereka memerlukannya pada masa itu, kita lebih memerlukannya hari ini" (*Testimonies for the Church*, vol. 5, p. 158). Betapa Rohani pandangan ilahi! Sekiranya para murid memerlukan pencurahan Roh Kudus untuk menjangkau dunia dengan Injil, kita malah lebih memerlukan kuasa Roh Kudus. Kini, dunia lebih besar, kompleks, dan sangat duniawi (tiada Tuhan didalam diri).

Inilah masanya untuk mencari Tuhan dalam doa untuk kuasa Roh yang tanpa batas untuk mencapai yang mustahil. Ellen White menulis, "Pencurahan Roh Kudus ke atas gereja dinanti-nantikan di masa depan, tetapi adalah keistimewaan bagi gereja untuk memilikinya sekarang. Maka carilah, berdoalah, percayalah. Kita mesti memilikinya, dan Syurga menunggu untuk mengurniaknya". (*Evangelism*, p. 701).

Semoga kita semua sama-sama mencari kuasa Roh Kudus untuk melaksanakan penyebaran seruan tiga malaikat dalam generasi ini. Marilah kita mencari Tuhan bersama-sama dalam doa untuk pencurahan Roh-Nya yang perkasa.

Masa Berdoa (30-45 Minit)

Kesaksian dari Sepuluh Hari Berdoa Tahun 2021

"Saya menghabiskan banyak masa kedewasaan saya mencuba untuk mencari kegembiraan di dalam perkara-perkara dunia. Saya selalu memberitahu diri saya jika saya mendapat orang yang betul, kerja yang betul, dapat menurunkan berat badan, saya pasti akhirnya akan mendapat kebahagiaan saya. Tanpa saya sedari bahawa semakin saya menawarkan diri saya kepada dunia, semakin saya merasa penat dan kosong. Saya selalu menerima bahan-bahan 'Sepuluh Hari Berdoa' melalui e-mel, tetapi secara jujur, saya tidak pernah menghabiskan keseluruhan sepuluh hari. Saya terlalu sibuk mengorek perigi air saya yang pecah sementara Air Pancur Hidup berdekatan! Kali ini, saya bertekad untuk mencuba Yesus dan percaya menurut Firman-Nya. Betapa luar biasa sepuluh hari ini. Seperti Maria di kubur Joseph orang Arimethea, saya telah melihat Yesus dan saya beritahu kamu bahawa Dia Masih Hidup. Kristus telah memberikan saya sudut pandang baru mengenai doa, penurunan, dan iman. Saya menyerahkan kembali hati saya kepada Tuhan selepas mengakui dosa-dosa saya dan meminta Tuhan untuk tinggal di dalam saya. Saya kini mempunyai banyak sebab untuk hidup." (Thuto)

Berdoa dengan Firman Tuhan – Kisah Rasul 1:8

"Tetapi kamu akan menerima kuasa, kalau Roh Kudus turun ke atas kamu, dan kamu akan menjadi saksi-Ku di Yerusalem dan di seluruh Yudea dan Samaria dan sampai ke hujung bumi"

"Kamu akan menerima Kuasa"

Tuhan, saya tahu saya lemah dan tidak berdaya dalam menggenapi misi seruan tiga malaikat yang Engkau berikan kepada kami. Ia sangat besar dan mustahil bagi manusia. Terima kasih janji-Mu akan Kuasa Roh Kudus. Saya menyedari keperluan besar saya akan baptisan Roh setiap hari dan mempercayai Firman-Mu untuk memberi kuasa pada mereka yang percaya kepada-Mu.

"Kamu akan menjadi saksi-Ku"

Yesus, terima kasih kerana telah menjadikan saya saksi kasih-Mu, kebenaran-Mu dan kuasa-Mu yang mampu mengubah. Kiranya Engkau berikan saya keberanian untuk berkongsi tentang apa yang sudah Engkau lakukan dalam hidup saya, dengan orang-orang di sekeliling saya pada hari-hari akhir sejarah dunia ini. Berikan saya banyak peluang untuk bersaksi bagi-Mu dan memberitahu orang lain betapa hebatnya Engkau.

"Hingga ke Hujung Bumi"

Bapa, saya sedari bahawa misi saya bermula di rumah dan berkembang di kawasan pejiiran, masyarakat saya, kampung dan bandar saya, dan ke seluruh bumi. Tunjukkan pada saya bagaimana saya dapat menyertai misi-Mu di mana saja saya berada sekarang dan bagaimana saya dapat menyokong pekerjaan Injil di seluruh dunia.

Cadangan-cadangan doa

Pujian dan kesyukuran: Bersyukur untuk berkat yang tertentu dan puji Tuhan akan kebaikan-Nya.

Pengakuan: Ambil masa beberapa minit untuk pengakuan dosa peribadi dan puji Tuhan akan pengampunan-Nya.

Bimbingan: Mohon kebijaksanaan daripada Tuhan untuk menghadapi masalah-masalah terkini dan kebijaksanaan dalam membuat keputusan.

Gereja kita: Berdoa untuk keperluan-keperluan gereja serantau dan gereja dunia. (Lihat helaian terpisah dengan permintaan).

Permohonan doa tempatan: Berdoalah untuk keperluan semasa anggota gereja, keluarga, dan jiran.

Dengar dan lakukan: Luangkan masa untuk mendengarkan suara Tuhan dan membalas melalui pujian atau lagu.

Lagu-lagu cadangan

SDA Hymnal: As We Come to You in Prayer (#671); Hujan Berkat (#195); Be Thou My Vision (#547); Tuhan pimpin s'panjang jalan (#537); When I Survey the Wondrous Cross (#154); Ku serahkan hidupku (#330); Work for the Night Is Coming (#375)